

Conzert sacral: en sabeda, ai 5 de agost dales 21:15 te dlijia de Badia cun les sopranes Benori, Zanetti y l'orghelist De Pieri. Düc é inviá.

Daidun l'Africa cun n marcé de solidarieté: a La Ila te Ciasa de Cultura ai 4, ai 5, ai 6, ai 12, ai y ai 15 de agost tres dales 15:00 ales 19:00. Les spënores che rovarà adüm vëgn dades a: "Helfen ohne Grenzen" y al Grup „Un Pozzo per la Vita". Organisaziun: KVV-La Ila.

Le Sorvisc ai Jogn Val Badia adöm ala Uniun dl teater da La Val inviëia düc al teater con musiga "atramënter – same same but different" ai 5 de agost dales 21:00, ai 6 de agost dales 20:00 y ai 9 de agost dales 21:00 tl Salf Domène Moling a La Val.


Le Grup Decanal lascia alsavëi che ai 2 de setëmber vëgnel indò organisé la prozesciun da Oies a Porsenú. Informaziuns plö avisa gnará dades plö inant.

Verdastrada por scolars (nonno vigile): le Comun de Badia lascia alsavëi che al vëgn chirí na porsona por fá verdastrada di scolars (nonno vigile) a La Ila y Badia. Le sorvisc, che vëgn paié, sará tratan l'ann de scora, dal lünesc al vëndres. Chi che foss interessá é peria de contaté la Polizia locala al n. 0471-839533 o fonin 339-2711689.

L'aministraziun dla Ciasa de Palsa "Ojöp Frëinademetz" forma na graduatoria por n assistënt/a aministratif/a a tēmp parzial. Condiziuns: diplom de madoranza, bilinguism "B" y grup linguistich ladin. Les domandes é da dé jö anter le 31.08.2017 te secretariat dla Ciasa de Palsa y plö informaziuns ciafëise al nr. 0474/524700.

Le Sorvisc da tó jö sanch y le Sorvisc aministratif (Krankenkasse) dl Distret Sozio-sanitar a Pocolin é indò daverc. Le Sorvisc aministratif lönesc-mercui-vëndres dales 09:30 ales 12:45 cina la fin de setëmber y le Sorvisc da tó jö sanch lönesc-mercui-vëndres dales 07:45 ales 08:30.


Jun a pe cun le KVV: inviun düc ala proscima gita al "Reiner Höhenweg" en mercui, ai 2 de agost. Piun ia da Pedraces dales 08:00 y sciöche dagnara prenotesse pro laco al nr. 0471/839772.



Plata dla Ploania Badia San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 30.07. - 06.08.2017 17° Domènia dl ann n. 36

Il regno dei Cieli
è come un tesoro
nascosto
e una rete piena
di pesci



Vangelo della prossima Domenica - Trasfigurazione del Signore „A“

Mt. 13, 24-30

In quel tempo, Gesù prese con sé Pietro, Giacomo e Giovanni suo fratello e li condusse in disparte, su un alto monte. E fu trasfigurato davanti a loro: il suo volto brillò come il sole e le sue vesti divennero candide come la luce. Ed ecco apparvero loro Mosè ed Elia, che conversavano con lui. Prendendo la parola, Pietro disse a Gesù:

«Signore, è bello per noi essere qui! Se vuoi, farò qui tre capanne, una per te, una per Mosè e una per Elia». Egli stava ancora parlando, quando una nube luminosa li coprì con la sua ombra. Ed ecco una voce dalla nube che diceva: «Questi è il Figlio mio, l'amato: in lui ho posto il mio compiacimento. Ascoltatelo».

All'udire ciò, i discepoli caddero con la faccia a terra e furono presi da grande timore. Ma Gesù si avvicinò, li toccò e disse: «Alzatevi e non temete». Alzando gli occhi non videro nessuno, se non Gesù solo. Mentre scendevano dal monte, Gesù ordinò loro: «Non parlate a nessuno di questa visione, prima che il Figlio dell'uomo non sia risorto dai morti».

FUNZIUNS SACRES

30.07. 17^a DOMËNIA dl ANN A

- 10.00 Mëssa por la Comunità
15.00 Festa da Bato
18.00 †to Helmut Castlunger - aniversar
†to Guido Dapunt - aniversar
†ti Metodio y Anna Frenademetz – aniversar
†to Manfred Moling - aniversar

01.08. Mertesc - **S. Alfonjo**

- 19.30 †to Giambattista Crepaz - aniversar
†to Gerhard Pescoller
†to Davide Valentin

02.08. Mercui - **S. Eusebio**

- 07.30 †ti Teresa y Sepl Pitscheider - aniversar
†to Milio Valentini de Col d'Anvi
por fam. Florian y Angelika Pitscheider

03.08. Jöbia - **S. Lidia**

- 19.30 vis y †ti da Ruac
por fam. Sandro y Maria Tasser
por i jogn

04.08. Vëndres - **Prüm vëndres dl mëis**

- 07.30 vis y †ti de Carlo y Malia Irsara
por les families
por les animes dl purgatore

05.08. Sabeda

- 16.00 Mëssa a Oies

06.08. Trasfiguraziun dl Signur – Festa dla Porziuncola


- 10.00 Mëssa por la Comunità
18.00 †to Lois Irsara da Castalta - aniversar
†ti Sepl y Mena Frenademetz - aniversar
†tes Maria y Petronilla Valentin – aniversar

• *al cianta i Kyrios* •

Dala VITA dla CÛRA

Festa dla Porziuncola – “Perdon d’Assisi” ai 06.08.2017: en chësta festa pól gní davagné l’induliënza do les condiziuns metüdes dant y conesciüdes.

Al sará ince ocasiun da se confessé: **chësta domënia** dales 17:00, en **vëndres** dales 08:00 ales 08:30, en **sabeda** dales 17:00 ales 18:00 y en **domënia** dales 17:00 ales 18:00.



En chësta domënia, ai 30.07.2017 ciafa le Sacramënt dl **BATO** la müta **Emma** de Denis Costa y Katrin Valentin. Ala picera che tolun sö cun ligrëza te nosta comunité cristiana y a sü geniturs les mius audanzes.


Comuniun ai amará: siur Degan jará a proveder en vëndres, ai 04 de agost dales 09:30 inant.

Oferta “S. Cristoforo”: en chësta domënia, ai 30 de lugio jará l’offerta ala Comunité de Sant’Egidio che nes presentará süa ativité misionaria.

Na mostra de libri religiusc mët fora les Suore Paoline dan dlijia en chësta domënia, ai 30 de lugio do les mësses.

Crisc de S. Cristoforus: ciafëise te dlijia crisc por l’aziun de S. Cristoforus y les ofertes vá ales misciuns.

Rengraziamënt: le Consëi de Cûra rengrazia de cör les families y i ustis che á porté tan de bun patüc en la Festa de S. Iaco y di iubilars da prou.



En jöbia, ai 03.08.2017 complësc **Carlo Alfreider** da Pedraces **87** agn, en vëndres, ai 04.08.2017 dr. **Lois Trebo** da S. Linert **82** agn y en sabeda, ai 05.08.2017 **Maria Ferdigg Tasser** da S. Linert **80** agn. Le Senioreclub y düta la Comunité ti aoda düte le bun, sanité y benediscion de Dî.